

757

9



HOMO

OSTO

8X175

51

c. 1

0941



1080021489

EX LIBRIS

HEMETHERII VALVERDE TELLEZ

Episcopi Leonensis



Capilla Alfonsina
Biblioteca Universitaria

45931

EXCERPTA

EX LIBRO CUI TITULUS:

HOMO APOSTOLICUS

INSTRUCTUS IN SUA VOCATIONE

AD AUDIENDAS CONFESSIONES,

AUCTORE,

B. ALPHONSO MARIA DE LIGORIO;

SEU SENSU EJUSDEM.

SUPERIORUM FACULTATE.



UNIVERSIDAD DE NUEVO LEON

Biblioteca Valverde y Tellez

MEXICI.

Ex Typographia Valverde y Tellez.

MDCCCLXIX.

45951

CUM ex decretis Apostolicis in causa Beatificationis ALPHONSI MARIE DE LIGORIO editis, constet in ejus doctrina nihil censura dignum fuisse repertum, eumque hanc suam doctrinam in praxim deducendo inter Sanctos fuisse annumeratum, scopus Editoris hujus libelli fuit sensa ejusdem Beati circa questiones majoris momenti paucis verbis exprimere, ut ea Sacerdotes sapius legere possint, et, si opus sit, in ipso penitentiae Tribunali ad memoriam revocare.

IN FESTO

B. ALPHONSI MARIAE DE LIGORIO

ORATIO.

DEUS qui per B. ALPHONSUM confessorem tuum, atque pontificem animarum zelo succensum Ecclesiam tuam nova prole fecundasti, quæsumus ut ejus salutaribus monitis edocti et exemplis roborati, ad te pervenire feliciter valeamus. Per Dominum etc.

QUÆDAM RATIONES

EX AUCTORE HUIUS LIBELLI

QUIBUS PRÆFERENDA VIDETUR

THEOLOGIA MORALIS

B. LIGORII.

I. Ligorius, cum ex scriptoribus Theologiæ moralis sit postremus, anteriorum omnium doctrina et eruditione usus est.

II. Cum cæteros legisset, eorumque rationes hinc et inde æqua lance ponderasset; precibus suis atque virtutibus a Sede Romana probatis, eam cælestem scientiam consequutus est, qua scriptores omnes donati non fuerunt.

III. Theologiæ moralis principes, eorumque opiniones singulatim producit: ejusque opus illorum compendium est.

IV. Non typis mandavit scripta, nisi postquam per triginta annos desudasset in ministeriis prædicationis et confessionis: Inauditum facimus in cæteris scriptoribus.

V. Celebriores, mirabilioresque peccatorum conversiones fructus opimi fuerunt ejus ministerii.

VI. In sua conscribenda Theologia, nullo systemate sive nationali, sive provinciali ligatur.—Sola doctrina Sanctæ Romanæ Ecclesiæ scopus ejus fuit; cujus definitiones circa doctrinam morum religiose transcribit, quæ passim ab aliis scriptoribus omittuntur.—Eos potissimum refutare contendit, qui saniora morum principia pervertere conati sunt, Jansenistas scilicet, eorumque proscripta systemata; atque priores Ecclesiæ regulas, quas ad amissim sequebantur omnium seculorum pii æque ac sancti viri, ad praxim deducere satagebat.

VII. Purus oculo, et simplex corde, nec questum temporalem, nec vanam nominis gloriam, nec plausus hominum perquirebat.

VIII. Maximi ejus doctrina morum æstimatur ab iis, qui et odore virtutum, et zelo pollent salutis animarum.

IX. In Beatorum numero est relatus illam Theologiam docens, et deducens in praxim. *¿Poteritne ergo damnari, qui ejus vestigia sequatur?*

X. Ex sanctis viris, qui de morali Theologia tractarunt, nullus sicuti Ligorius eam profunde explicavit.

XI. Roma, post iteratum religiosissimum examen, declaravit: in ejus doctrina nihil censura dignum.

XII. In solo Ligorio Theologiæ moralis scriptore, tot et tantæ dotes reperiuntur.

EXCERPTA

EX LIBRÒ CUI TITULUS:

HOMO APOSTOLICUS,

AUCTORE

BEATO ALPH. M. DE LIGORIO;

SEU SENSU EJUSDEM.

DE LEGIBUS.

1. CONTEMPTUS legis, ut sit mortalis debet esse formalis, qui tunc est, cum aliquis ideo transgreditur legem, quia lex est, et illi non vult subjacere.
2. Lex mixta videtur obligare ad penam, et culpam.
3. Lex humana obligat cum gravi incommodo, si hoc postulat bonum publicum, vel si transgressio redundaret in contemptum fidei.
4. Lex humana videtur tollere naturalem obligationem, v. g. in contractibus et testamentis initis sine solemnitatibus, in debitis filiorumfamilias, et tunc non adest obligatio solvendi.
5. Possunt apponi impedimenta extrahentia ab obli-